

八部華梵

- 1 提婆，此云天。天然自然。樂勝身勝。即三界二十八天。
- 2 那伽，此云龍。守天宮殿，持地，注雨等龍。
- 3 夜叉，此云勇健。謂飛空飛行，守天城池門閣等。亦名暴惡。
- 4 乾闥婆，此云香陰。不啖酒肉，唯香資身。是天主緣幢倒擲樂神。
- 5 阿修羅，此云無端正。又云非天。有天福無天位，因中行施生瞋，感此報也。
- 6 迦樓羅，此云金翅。兩翅相去三百三十六萬里。頂有如意珠。以龍為食。
- 7 緊那羅，此云疑人。什曰，非人似人，而頭有角。亦天之伎神也。
- 8 摩睺羅伽，此云大腹行。肇曰，大蟒蛇，腹行者也。

般若 (12-17-1871~1872)

又曰般賴若。三藏法師名。譯曰智慧。見宋高僧傳二。

又作班若、波若、鉢若、般羅若、鉢刺若、鉢羅枳孃、般賴若、波賴若、鉢賢孃、波羅孃。譯曰慧、智慧、明。

智度論四十三曰：「般若者，秦言智慧。一切諸智慧中，最為第一，無上無比無等，更無勝者。」

慧苑音義上曰：「般若，此云慧也。西域慧有二名：一名般若。二名末底。智唯一名，謂之諾般，即是第十智度名也。」

二般若 (12-17-1871~1872)

- 1 共般若。即台宗之通教也。通聲緣菩三乘說之，三乘共修證之，故曰共般若。
- 2 不共般若。台宗之別圓二教也。唯對於別圓之二菩薩說之。不共於聲緣之二眾。故曰不共般若。見智度論百。
- 1 世間般若。未行寂靜真實之般若，常行有見有相之般若也。
- 2 出世間般若。於其中心如虛空。平等寂滅而離諸名相也。見地藏經十。

- 1 實相般若
- 2 觀照般若

此三般若中之前二者也。見華嚴大疏一。

三般若 (12-17-1871~1872)

- 般若者，圓常之大覺也。一覺有三德。
- 1 實相般若。為般若之理體。本來為眾生所具。離一切虛妄之相。般若之實性也。是為所證之理體。
 - 2 觀照般若，觀照實相之實智也。
 - 3 方便般若，分別諸法之權智也。見金光明玄義上。

- 1 實相般若 (如上)，
- 2 觀照般若 (如上)，
- 3 文字般若，詮上二般若之言教，五部、八部及大般若等般若經是也。見肇論，法藏般若心經略疏。

仁王經良賁疏上一曰：「明此經者，題云般若，即以為宗。觀如來品別明三種，實相、觀照及以文字。慈恩三藏更加二種，境界、眷屬。通前五法，般若性故，般若相故，般若因故，般若境故，般若伴故。」

五種般若（12-17-1871~1872）

更開五種，該收般若之諸法。

- 1 實相般若（如上），
- 2 觀照般若（如上），
- 3 文字般若（如上），
- 4 境界般若。為般若之所緣，一切諸法是也。般若之真智，以一切諸法為境界，故名之為境界般若。
- 5 眷屬般若。煖、頂、忍、世第一法等，諸智及戒、定、慧、解脫、解脫知見等是皆觀照般若，即慧性之眷屬，故名為眷屬般若。見金剛經刊定記二、三藏法數二十。